

Bouxvunz Gou Ceiq Gingqboiq Haenx



Miz haujlai vunz hawj vunz gingqboiq, bouxvunz gou ceiq gingqboiq haenx couh dwg boux daxheiz cinghgezgungh ndeu.

Seizhah miz ngoenz ndeu, daenggoenz ciuq youq gwnz dieg, ndat raixcaix, duzmalwg boemz youq gwnz dieg iet linx diemheiq fofo, duzbid naiqnuek youq gwnz faex heuhgedged. Youq gwnz loh cuengqhag ma ranz, gou fwngz ndeu vad mbawbeiz, fwngz ndeu

我最敬佩的人

环江思恩镇西南小学六年级 刘玲苏

gaem binghgzlinz gwn, hoeng lij gamjdaengz gig ndat. Cingq youq seizneix, gou raen boux daxheiz cinghgezgungh ndeu, youq gizde baet dieg, seizhaenx gou gag naemj: Danghnaeuz dwg gou, gou caeux couh baema lo, hoeng de lij youq gizneix nyinhcaen baet dieg. Gou byaij gvaqbae cam de: “Daxheiz, mbwn baenz ndat, mwngz vihmaz lij youq gizneix baet dieg, mbouj ma ranz ha?” “Neix dwg gij gunghcoz gou ya, gou au dawz gunghcoz guh ndei, danghnaeuz mbwn ndat couh mbouj baet, gizneix couh uq lai lo.” Daxheiz han gou naeuz. De gangj vah seiz gyaeuj hix mbouj ngiengx,

muengz dwk baet nyapnyaj canj nyapnyaj. Dingq daxheiz baenzneix gangj, gou mingzbeig lo, mboujguenj guh gijmaz, cungj au nyinhcaen bae guh, couh itdingh guh ndaej ndei. Daxheiz raen gou lij ndwn youq gizhaenx ngeizngwd, couh yaengyaeng nyoengx gou mbat ndeu, gou cij singj gvaqdaej. De riu dwk doiq gou gangj: “Siuj baengzyoux, vaiq baema ba!” Gou yiengq daxheiz vadfwngz, gangj sing “caiqlaen” ndeu, couh baema lo.

Daxheiz cinghgezgungh neix, couh dwg boux vunz gou ceiq gingqboiq haenx.

(指导老师:罗凤)



Lauxsae, Docih Mwngz

老师，谢谢你

贵港市覃塘区蒙公乡
高占小学二(2)班 黄茂晨

Lij lauxsae, gou siengj doiq mwngz gangj: “Lauxsae, docih mwngz, dwg mwngz son gou hag rox cihsiz, son gou hag rox guh vunz.”

Bingzseiz, mwngz hwnjdanz, gou cungj youq bailhaj gangjsebseb. Doiq mbouj hwnj, Lij lauxsae, baezlaeng gou itdingh gaij gvaqdaej, guh boux hagseng ndei nyinhcaen dingq goq ndeu. Cingj mwngz yienzliengh gou mbouj roxsoq ba!

Lij lauxsae, mwngz sinhoj lo, docih mwngz seizseiz dawz gou haeusim, mwngz mbouj dandan cij hawj gou guh saeh ndei, hix hawj gou mbouj famh loek. Mwngz naeuz loek le gaij gvaq couh ndei lo.

Hai banhoih seiz, mwngz daej hawj dou gangj goj, baez gangj sat aen goj ndeu, mwngz couh cam dou daj ndaw goj hag ndaej daengz gijmaz, hawj dou rox ndaej haujlai dauhleix.

Daxmeh gangj: “Lauxsae dwg boux vunzgvig raeuz.” Lij lauxsae, gou nyangz raen mwngz, couh dwg nyangz raen boux vunzgvig ciuhvunz gou!

(指导老师:韦春柳)

Dahcej Dwg Boux Sawmaez ndeu

姐姐是个书迷

贵港市覃塘区蒙公乡高占小学三(1)班 胡周欣

Dahcej gou bineix cib bi, de byoemgyaeuj raezrang, doiqda ronghrikrik, baez riu gij heuj hausagsag de couh loh okdaej. Youq ndaw yaenqsiengq gou, dahcej dwg boux sawmaez he.

Dahcej baez ndaejhoengq couh yawj saw, baez yawj saw couh haeujmaez. Youq ndaw hagdanz, mwh roengzdanz, dahcej ciengzciengz cungj dwg naengh youq diegnaengh yawj saw, ciengzseiz yawj daengz lauxsae daej hwnjdanz lo lij mbouj rox. Boux doengzhag doengzdaiz ciengzseiz ndaej daezsingj de, daengz doengzhag daezsingj de le cij roxsingj gvaqdaej.

Dahcej yienghyiengh saw

cungj gyaez yawj, ndawde ceiq gyaez yawj haenx dwg saw gojgaeq. Geiq ndaej miz baez ndeu, de daj ndaw hagdanz ciq ndaej song bonj saw gojgaeq, bonj ndeu dwg 《Goiwgnyez Gwzlinz》, bonj ndeu dwg 《Goiwgnyez》. Youq ndaw hagdanz, baez roengzdanz dahcej couh dawz gij saw gojwgnyez neix daej yawj. Cuengqhag ma daengz ranz, dahcej couh sikhaek sij cozyez, cozyez sij sat le, de youh sikhaek dawz saw gojwgnyez daej yawj. Daengz gwn caeuz le, daxmeh heuh sam heuh sei, dahcej cij sij mbouj ndaej cuengq saw daej gwn caeuz.

Daengz gyanghaemh, dahcej

youh laebdaeb yawj saw, yawj



daengz haemq gvaiz lo lij mbouj siengj ninz, hix dwg daxmeh coi bae coi dauq de cij ninz.

Dahcej gou dwg boux sawmaez, gou hix au lumj dahcej nei guh boux vunz gyaez doegsaw ndeu.

(指导教师:李雪海)

Duzdouq yaek bae ndaw ndoengfaex guhcaemz.

Duznou naeuz ndaw ndoeng doenghduz yak lai, gienq de gaej bae. Duzdouq naeuz: “Gou miz banhfap.”

Duzdouq daej daengz ndoengfaex henz bak aen gamj iq ndeu.

Saecej cingq ninz youq ndaw gamj yietnaiq, baez raen duzdouq couh gaemh dawz duzdouq, saecej riuwhw naeuz: “Gou caengz bae ra mwngz, mwngz dauq gag soengq daej.” Duzdouq riu naeuz: “Saecej daihvuengz, gou cingq dwg cienmonz daej ra mwngz ne.” Saecej baez dingq, ngaenz lo. Duzdouq gipmuengz naeuz: “Daeggo ha, mwngz dang daihvuengz ndaw ndoeng, guhlawz yungh gag ok dou bae ra gwn ne? Gou bae ra gij ndei gwn daej hawj mwngz ba.”

Saecej ngeix: “Aen siengjifap neix ndei bw, gou baenzlawz cungj mbouj ngeix daengz gvaq ne?” Yienghneix, couh doengzeiq hawj duzdouq bang de ra gijgwn.

Saecej ndoj youq ndaw gamj

Duzdouq Coengmingz

聪明的兔子

ninz, duzdouq youq rog gamj sij faenzcieng.

Mbouj geij nanz, duz manaez ndeu daej lo. Manaez raen duzdouq bizbwdwd, siengj gwn duzdouq.

Duzdouq myab raen manaez daej, couh naengh engq soh lo, mbouj vueng mbouj muengz youq gwnz ceij sij hwnjdaej. Manaez geizheih lo, cam: “Douqiq, mwngz nanzdauh mbouj lau gou ma? Mwngz sij gijmaz ne?” Duzdouq sez da yawj de mbat ndeu, nyaeuqnyaeuq ndaeng naeuz: “Ci, gou lau mwngz? Gou cingq sij 《Duzdouq Baenzlawz Gwn Manaez》 ne.” Manaez riuha ha: “Duzdouq gwn manaez? Coenz vah neix dwgriu lai lo!” Duzdouq naeuz: “Mbouj saeng? Mwngz gamj caeuj gou haeuj gamj

bae lwi?”

Yienghneix, duzdouq yinx manaez haeuj gamj bae. Gvaq yaephe, duzdouq gag ok gamj daej, laebdaeb sij faenzcieng.

Mbouj geij nanz, duz mouduenh ndeu daej lo. Mouduenh baez raen duzdouq, couh yakyanyan sek: “Hw, mwngz duz douqiq neix, vaiqdi deuz!” Gangj sat couh siengj au heujngaz gunx duzdouq. Duzdouq ngiengx gyaeuj yawj de mbat ndeu, youh mbouj vueng mbouj muengz laebdaeb youq gwnz ceij sij hwnjdaej, naeuz: “Mwngz heuh bouxlawz deuz ha?” Mouduenh gig geizheih, cam: “Mwngz sij gijmaz ne?” Duzdouq gyaeuj hix mbouj ngiengx, han naeuz: “《Duzdouq Baenzlawz Gwn

Mouduenh》.” Mouduenh riuha ha: “Duzdouq gwn mouduenh? Caen ndeiru ha!” Duzdouq caemdingh naeuz: “Mbouj saeng? Mwngz gamj gaen gou haeuj gamj bae lwi?” Yienghneix, duzdouq youh daiq mouduenh haeuj gamj bae.

Saecej gwn imq le, bomz youq ndaw doi ndok manaez caeuj ndok mouduenh yaek heuj.

Yienghneix ngoenz gvaq ngoenz, saecej bizbodbod lo.

Ngoenz ndeu, duzdouq youq rog gamj, daejeiq naeuz: “Saecej daihvuengz, gou yaek baema lo, docih mwngz buenx gou guhcaemz baenzlai mizyinx! Hawj mwngz yawjyawj gij faenzcieng gou ba.” Gangj sat, dawz faenzcieng swheij sij haenx vut haeuj gamj bae. Saecej baez yawj, cij raen gwnz ceij sij 《Duzdouq Baenzlawz Ceih Saecej》.

Saecej hozgaek lo, “ngo” sing ndeu, yaek roemx bae coemj duzdouq, hoeng, de gaenq biz ndaej ndonj mbouj ok gamj daej lo.

(Ganh Sozvwngz/甘说文 bienhoiz)